

mengt/ dardurch das Bihe zu grossen schaden gebracht wurde. Winterszeiten aber / so mag ein gar grosses Gefügel kesset in des Bauren Stuben vnder den Bäncken zustehn noch wol rhaum finden. Vnd sovil habe ich nach meiner wenigkeit/ (das jenige/ so mir in disem Rusticalischen/ vnd zwar in disem Bauwesen noch vngeübten sachen / in Gedancken gefallen ist) von dem Ersten Grundriß des Mayerhoffs deliniren vnd beschreiben wollen/ da es dann wie leichtlich zuerachten/ der Baurengeschawmeister vil mehr / als nicht der jenigen / die in der that selber inventieren vnd practicieren / geben dörfste / denen aber mag diser kurze Beschaide gegeben werden/ sie sollens nach ihrem Humor selber verbessern/ kleiner/ oder grösser nach ihrem Willen anstellen / vnd hierbey ihre vernünfftige Gedancken mit dem Werck erweisen.

Der Ander Grundriß des MayrHofs.

WAnn nemme demnach den vorernanten Ersten Grundriß noch einmal für sich / daselbsten dann / vnd wann der Bülltherz vorangehörter gestalt/ mit seinem Hangwäglin im Hauptennen anlangt/ so wird es doch dem Bauren in seinem schon bezogenen Zimmern/ einige molestiam nit geben / sonder der Bülltherz wandelt gleich seinem aigenen Losament zu/ schliesst also bey. \approx . dieselbige Stiegenthür auff/ gehet allda auff den andern Boden hinauff / vnd kompt bey. $\underline{\underline{2}}$: auff die Lauben/ von dannen aber in ein lustige. $22\frac{1}{2}$: Schuch lange. $18\frac{1}{2}$: Schuch breite / vnd 11 . Schuch hohe/ gegen Orient, vnd Meridiem sehende/ wol accommodirte / vnd seinem Stand gemäss / erbaute Stuben / welche dann abermahlen mit ihrem Ofen / vnd Bruggbettstattlin / ohne irzung diser Wohnung / in einem Winckel stehend versehen ist. Gleich daran ein Kammer / in welcher gleichwol noch ein geschmeidiges Bettstattlin zustehn plas haben mag / so auch für ein gute glegenheit zuachten ist. Die Kuchlen aber ist gar küel/ windstill / vnd gegen der Parte Septentrionale gelegen. Daselbsten der Herd / vmb gewiser vrsachen willen / an ein liechtern Ort gestelle / damit / vnd wann etwann des Bülltherzn Haußfrau selbst/

selbsten/